

		REPUBLIKA E KOSOVËS REPUBLIKA KOSOVA MINISTRIA E ARSIMIT, SHKENCËS DHE TEKNOLOGJISË		UNIVERSITETI UNIVERZITET "HAXHI ZEKA" PEJË		
REKTORATI						
Nr. / Br. / No. <u>429</u>			Nr. i faq/ Br. str / No. pg <u>4</u>			
Data / Datum / Date: <u>28.02.2023</u> Pejë / Peë						

MEMORANDUM BASHKËPUNIMI

Ndërmjet



DHOMA E TREGTISË DHE INDUSTRIË KOSOVË
CHAMBER OF TRADE AND INDUSTRY KOSOVA

DHOMËS SË TREGTISË DHE INDUSTRIË KOSOVË

Dhe



UNIVERSITETIT "HAXHI ZEKA" PEJË

Pejë, 2023

MEMORANDUM BASHKËPUNIMI

i nënshkruar më datë 28.02.2023 në Pejë, ndërmjet:

- 1. Dhomës së Tregtisë dhe Industrisë Kosovë**, me adresë në Rr. "Gazmend Zajmi" nr. 6, Bregu i Diellit, Prishtinë, Republika e Kosovës, e përfaqësuar nga Kryetari Skënder Krasniqi, nga njëra anë dhe
- 2. Universitetit "Haxhi Zeka" Pejë**, me adresë në Rr. "UÇK"-së 30 000 Pejë, Republika e Kosovës, i përfaqësuar nga Rektori Prof. Dr. Armand Krasniqi, në anën tjetër.

Neni 1 Lënda dhe qëllimi

Dhoma e Tregtisë dhe Industrisë Kosovë (në tekstin e mëtejme Dhoma e Tregtisë) dhe Universiteti "Haxhi Zeka" Pejë (në tekstin e mëtejme UHZ), përmes këtij Memorandumi të bashkëpunimit dhe mirëkuptimit, pajtohen që të krijojnë partneritet me qëllim të shkëmbimit dhe ofrimit të këshillave profesionale për bizneset në fusha të ndryshme, si dhe studentëve të fakulteteve të ndryshme të Universitetit "Haxhi Zeka" Pejë, të ju mundësohet të vijnë praktika profesionale pranë bizneseve anëtare të Dhomës së Tregtisë.

Neni 2 Fushat e bashkëpunimit

- Ofrimin e këshillave profesionale në fusha të ndryshme, për bizneset anëtare të Dhomës së Tregtisë;
- Dhoma e Tregtisë dhe Universiteti "Haxhi Zeka" në Pejë, përkatësisht Instituti për Shkencë dhe Arte pajtohen që për interesa të përbashkëta të asistojnë, promovojnë, përkrahin dhe të ngritin nivelin e bashkëpunimit reciprok në mes tyre, në funksion të zhvillimit të përgjithshëm akademik, shkencor, social dhe ekonomik;
- Dhoma e Tregtisë dhe UHZ, përkatësisht Instituti për Shkencë dhe Arte pajtohen që në përgatitjen e propozimeve dhe realizimin e projekteve të përbashkëta, që kanë të bëjnë me përmirësimin e ambientit ekonomik dhe social në Kosovë, hartimin e analizave ekonomike, të paraqesin ofertimin e përbashkët dhe të këmbëjnë informatat e domosdoshme për implementimin e projekteve;
- Angazhimi i studentëve të UHZ Pejë, në praktika profesionale pranë bizneseve anëtare të Dhomës së Tregtisë, në pajtim me programet e studimeve dhe njëkohësisht të përfitojnë nga rekrutimi i fuqisë së re punëtore, e cila është me fleksibilitet, nuk kërkon përkushtim afatgjatë dhe ka kosto të arsyeshme;
- Organizimi i simpoziumeve, konferencave, trajnimeve dhe seminareve të përbashkëta;
- Këmbimi i përvojave dhe informatave profesionale nga fusha e interesit të përbashkët;
- Bashkëpunimi edhe në fusha tjera, krahas fushave dhe veprimtarive që ushtrojnë të dyja subjektet.

Neni 3

Palët

Ky Memorandum përfshinë bashkëpunimin e Dhomës së Tregtisë me të gjitha fakultetet e Universitetit "Haxhi Zeka" Pejë, duke përfshirë: Fakultetin e Biznesit, Fakultetin Juridik, Fakultetin e Menaxhimit në Turizëm, Hotelieri dhe Mjedis, Fakultetin e Agrobiznesit, Fakultetin e Arteve.

Neni 4

Kohëzgjatja

1. Palët pajtohen se numri i studentëve të angazhuar për punë praktike do të jetë varësisht nga kërkesat e biznesit përkatës;
2. Në pajtim të plotë në mes të përfaqësuesit të kompanisë dhe studentes/studentit, praktika profesionale do të mbahet me orar të pjesshëm ose të plotë të punës. Studentët duhet të kryejnë minimum 120 orë punë në kuadër të praktikës profesionale. Orari i plotë përfshinë katërdhjetë (40) orë në javë, në përputhshmëri me dispozitat ligjore të përcaktuara në Ligjin e Punës. Kohështirja e fondit të orëve mund të jetë fleksibile në përputhje me kohën e provimeve dhe ligjëratave, sipas marrëveshjes me bizneset;
3. Kohëzgjatja e praktikës profesionale do të jetë sipas marrëveshjes së biznesit me studenten/studentin;
4. Palët në marrëveshje do të kenë përgjegjësi të plotë gjatë përgatitjes së projekteve nga fushat e bashkëpunimit;
5. Palët në marrëveshje pajtohen që gjatë implementimit të projekteve dhe aktiviteteve nga fushat e cekura të mos cenojnë veprimtarinë e palës tjetër.

Neni 5

Zbatimi i memorandumit

1. Kjo marrëveshje nuk detyron ligjërisht asnjërën palë, mirëpo shërben si marrëveshje e vullnetit të mirë mes të dy palëve.
2. Me nënshkrimin e kësaj marrëveshje, palët pajtohen që të bashkëpunojnë, duke përfshirë ofrimin e këshillave profesionale për bizneset në fusha të ndryshme si dhe mundësimin të vijimit të praktikave profesionale, për studentët e UHZ Pejë, pranë bizneseve anëtare të Dhomës së Tregtisë.
3. Me qëllim të ruajtjes së të dhënave personale për bizneset dhe studentët, palët pajtohen që të zbatohen dispozitat e Ligjit Nr.06/L-082, për Mbrojtjen e të Dhënave Personale, i publikuar në Gazetën Zyrtare më datë: 25.02.2019.

Neni 6
Vlefshmëria, ndryshimet dhe plotësimet

1. Ky memorandum nënshkruhet në afat të pacaktuar.
2. Ndryshimet dhe plotësimet e këtij memorandumi bëhen me pajtim të të dyja palëve.
3. Ky Memorandum do të përfundojë me marrëveshje nga të dyja palët ose me tërheqje nga njëra palë, duke e njoftuar me shkrim palën tjetër 30 ditë më parë.

Dispozitat përfundimtare
Neni 7

Ky Memorandum përpilohet në katër kopje identike, për secilën palë nga dy kopje.
Memorandumi hyn në fuqi ditën e nënshkrimit nga të dyja palët.

Dhoma e Tregtisë dhe Industrisë Kosovë


Skender Krasniqi
Kryetar i Dhomës së Tregtisë



Universiteti "Haxhi Zeka" Pejë


Armand Krasniqi
Rektor i Universitetit

